

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 25.11.2019թ. թիվ 1910462227 որոշումն անփոփոխ, իսկ վարչական բողոքն առանց բավարարման թողնելու մասին

<<20>> 01 2020թ. 7-13- 263

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Մարատ Շահնազարյանի ՄԴ/7471-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նիկոլ Դուման փողոցի 16Ա տան բնակիչ Մարատ Շահնազարյանը դիմումով խնդրել է բեկանել վարչական տույժ նշանակելու մասին 25.11.2019թ. թիվ 1910462227 որոշումը՝ նշելով, որ (70կմ/ժ) <<Առավելագույն արագության սահմանափակում>> ճանապարհային նշանը չի երևում, ուստի լուսանկարում ամրագրված արարքի հատկանիշների համադրումը իրավախախտման հատկանիշների հետ կասկած է հարուցում:

Դիմումի քննարկման արդյունքում պարզվել է, որ դիմումատուի փաստարկները չեն կարող վարչական ակտը բեկանելու հիմք հանդիսանալ հետևյալ պատճառաբանությամբ.

Վարչական իրավախախտումների վերաբերյալ << օրենսգրքի 8-րդ հոդվածի 1-ին մասի համաձայն՝ վարչական իրավախախտում կատարած անձը ենթակա է պատասխանատվության իրավախախտումը կատարելու ժամանակ և վայրում գործող օրենսդրության հիման վրա:

<<Չափումների միասնականության ապահովման մասին>> օրենքի պահանջներով պայմանավորված Հայաստանի Հանրապետությունում շահագործվող բոլոր արագաչափ սարքերը սահմանված ժամկետում և կարգով ստուգաչափված են, հետևաբար, սահմանված արագության գերազանցման փաստը դիմումատուին պատկանող տրանսպորտային միջոցով կատարված լինելու հանգամանքը չի կարող կասկածի տակ դրվել, քանի որ լուսանկարում նշված է տրանսպորտային միջոցի երթևեկության գոտին, ուղղությունը և այլն:

Ճանապարհային ոստիկանության ճանապարհային երթևեկության կազմակերպման հսկողության բաժնի կադմից տրված տեղեկանքի համաձայն՝ << Մ-5, 32.3 կմ (գ.Ակնալիճ) ավտոճանապարհի հատվածում՝ երթևեկության մասնակիցների համար տեսանելի վայրում տեղադրված է 3.24՝ (70կմ/ժ) <<Առավելագույն արագության սահմանափակում>> ճանապարհային նշանը, որի բացակայության վերաբերյալ 18.04.2019թ"ահազանգ չի գրանցվել:

Այսպիսով, ակնհայտ է, որ << Մ-5, 32.3 կմ (գ.Ակնալիճ) ավտոճանապարհի հատվածում տեղադրված 3.24՝ (70կմ/ժ) <<Առավելագույն արագության սահմանափակում>> ճանապարհային նշանի ազդման գոտում առկա արագաչափ սարքով արձանագրվել է դիմումատուին պատկանող տրանսպորտային միջոցի փաստացի արագությունը՝ 89 կմ/ժ, հանելով արագաչափ սարքի հնարավոր սխալանքի 10 կմ/ժ չափը, գերազանցել է երթևեկության սահմանված արագությունը 9 կմ/ժ-ով, ինչի համար Վարչական իրավախախտումների վերաբերյալ << օրենսգրքի 124.4-րդ հոդվածի 1-ին մասով

նախատեսված է վարչական պատասխանատվություն, հետևաբար Ճանապարհային ոստիկանության վարչական տույժ նշանակելու մասին 25.11.2019թ. թիվ 1910462227 որոշումն իրավաչափ է և այն բեկանելու հիմքեր չկան:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 25.11.2019թ. թիվ 1910462227 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Մարատ Շահնազարյանին:



Ե. Կարապետյան